

Faahororaa no te *Faaineineraa* no te *putuputuraa Oraraa e taviniraa*

5-11 NO ATOPA

TAO'A RAU BIBILIA | EXODO 31-32

A maimi i te mau poe pae varua

w87-F 1/9 29

Uiraa a te feia taio

E ere no te mea te haamana'o e te farii ra te Atua i te hoê taata (ma te papai i to 'na i'oa i roto i te "buka o te ora"), e fana'o ia oia ma te papu roa i te ora mure ore, mai te huru ra e aita e nehenehe e tatara i to 'na i'oa. Ua ani Mose ia lehova no nia i te mau Iseraela: "Teie nei, ia tia ia oe i te faaore mai i ta ratou hara, e aore ra, teie ta 'u parau ia oe, o to 'u ra i'oa ta oe e parai [aore ra tatara] atu i roto i te buka i te papaihia e oe ra." Ua pahono atu lehova: "O tei harahia ia 'u nei, o ta 'u ia e parai i roto i ta 'u nei buka." (Exodo 32:32, 33) Papu maitai, noa 'tu e ua papai te Atua i te i'oa o te hoê taata i roto i "ta 'na buka," e nehenehe tera taa-ta e riro ei taata faaroo ore aore ra e faarue i to 'na faaroo. Mai te peu e tera iho â ta te hoê taata e rave, "e faaore [te Atua] i to 'na i'oa i roto i te buka o te ora."—Apokalupo 3:5.

A RAVE MAITE I TA OE TAVINIRAA

Oreroraa parau

w10-F 15/5 21

Uiraa a te feia taio

No te aha aita lehova i faautua ia Aaron a no to 'na hamaniraa i te kafa auro?

Ma te hamani i te kafa auro, mai ta te Exodo pene 32 e faaite mai, ua ofati Aaron a i te ture ta lehova i horoa no nia i te haamoriraa idolo. (Exo. 20:3-5) No reira, 'e pohe â ho'i Aaron a ia lehova i te rahi ho'i o to 'na riri ia 'na, ua pure atoa râ Mose no Aaron a i reira.' (Deut. 9:19, 20) E taata parau-tia o Mose. A taparu ai oia ia le-

hova, ua ohipa "puai mau â" anei ta 'na pure no Aaron a? (lak. 5:16) E au ra e, no te pahono i te pure a Mose, e no e piti atu â tumu, ua farii lehova i ta Mose aniraa e aita roa 'tu Oia i faautua ia Aaron a.

Hoê tumu, o te taiva ore ta Aaron a i faatupu i na mua 'e. A faauehia 'i Mose ia tia i mua ia Pharao e ia faatiamâ i te mau Iseraela mai Aiphiti mai, ua maiti lehova ia Aaron a ei auvaha no Mose. (Exo. 4:10-16) Ua faaroo na taata e piti e ua tia raua e rave rahi taime i mua ia Pharao, noa 'tu te etaeta o to 'na aau. No reira, i Aiphiti, ua faaite ê na Aaron a i to 'na taiva ore ia lehova e i to 'na mau-papu-raa.—Exo. 4:21.

A tapao atoa na no te aha Aaron a i hamani ai i te kafa auro. A maha ahuru mahana i teie nei to Mose haereraa i nia i te mou'a Sinai. I to te nunaa iteraa e "ua maoro Mose, aita i haere mai i raro mai nia mai i taua mou'a ra," ua turai ratou ia Aaron a ia hamani i te hoê idolo na ratou. Ua farii oia, e hamani atura i te hoê kafa auro. (Exo. 32:1-6) Tera râ, ua faaite ta 'na mau ohipa i muri a'e i to 'na au-ore-raa i te ohipa idolo, ua hema noa oia i mua i te faaheporaa a te nunaa. A haava 'i Mose i tei tupu, ua tia papu te taatoaraa o te ati Levi, o Aaron a atoa ia, i te pae o lehova. Ua haapohehia 3 000 taata haamori idolo no to ratou orure-hau-raa.—Exo. 32:25-29.

I muri a'e, ua na ô Mose i te nunaa: "E hara rahi ta outou hara i rave iho nei." (Exo. 32:30) E ere ia o Aaron a ana'e tei hara. Ua fana'o oia e te nunaa atoa, i to lehova aroha hamani maitai rahi.

I muri a'e i tei tupu, ua faaue atu lehova ia faatoroahia Aaron a ei tahu'a rahi. Ua na ô oia: "A faaahu ai oe ia Aaron a i te mau ahu mo'a, a faatahinu ai, e na reira oe i te haamo'a ia 'na,

ia rave oia i te toroa tahu'a i mua ia 'u nei." (Exo. 40:12, 13) Papu maitai, ua faaore lehova i te hara a Aarona. I roto i to 'na aau, ua turu Aarona i te haamoriraa mau ma te taiva ore. E ere o 'na i te taata haamori idolo orure hau.

12-18 NO ATOPA

TAO'A RAU BIBILIA | EXODO 33-34

"To lehova mau huru maitatai faahiahia roa"

it-2-F 412

I'oa

Te haapapu ra te mau mea i poirotehia e te vai ra te hoê Atua, aita râ te reira e faaite i to 'Na i'oa. (Sl 19:1; Ro 1:20) No te ite i te i'oa o te Atua, aita e navai ia ite noa o vai to 'na i'oa. (Pa2 6:33) E titauhia râ ia ite hau atu â no nia i te Atua, mai ta 'na mau opuaraa, ta 'na mau ohipa e to 'na mau huru maitatai mai tei faahitehia i roto i ta 'na Parau. (A hi'o i te Ar1 8:41-43; 9:3, 7; Ne 9:10.) Ua faahitihia te reira i roto i te Exodo 33:12 a parau ai lehova no nia ia Mose: "Ua ite au ia oe i to oe i'oa." Tera ia te auraa, ua ite maitai lehova ia Mose. E fana'oraa taa ê to Mose a ite ai oia i te hoê faaiteraa i te hanahana o lehova. Ua faaroo atoa Mose i te 'faaiteraa i te i'oa ra o lehova.' (Ex 34:5) Ua faahitehia te i'oa o te Atua, eiaha noa no te faahiti tamau i te reira, no te faaite râ i to te Atua mau huru maitatai e i ta 'na mau ohipa. "O lehova, o lehova, e Atua aroha noa, e te hamani maitai rahi, e te faaoromai rahi, e te maitai rahi, e te parau mau; e te vaiho maite i te aroha e tausani noa 'tu te ui; e te faaore i te parau-tia ore, e te hara, e te ino; e e ore e parau i te taata ino e e taata ino ore; i te tahoora i te hara a te feia metua i nia i te tamarii, e i nia atoa i te tamarii a taua mau tamarii ra, e tae noa 'tu i te toru e te maha o te ui ra." (Ex 34:6, 7) I roto atoa i ta Mose himene, ua papaihia: "E faaite hoi au i te i'oa o lehova." Tera ia te auraa,

ua faatiahia te mau raveraa a te Atua e i to 'na huru i nia i te mau Iseraela.—De 32:3-44.

19-25 NO ATOPA

TAO'A RAU BIBILIA | EXODO 35-36

"E faaaravihi lehova ia tatou no te tavini ia 'na"

w14-F 15/12 4 par. 4

Te haamaitai rahi ra lehova i te huru feruriraa maitai

Eaha ta lehova i au roa 'e? E ere te mau tao'a tei pûpûhia, o te huru feruriraa maitai râ o te mau taata tei turu i te haamoriraa mau. Ua hinaaro atoa ratou e horoa i to ratou taime e to ratou puai. Ia au i te aamu, "te mau vahine aau paari ra, ua nino to ratou rima i te aho." Oia mau, "e te mau vahine i tae te aau, e i ite ra, ua nino ratou i te huruhuru puaaniho." Hau atu â, ua horoa lehova ia Bezaleela, "te paari, e te aravihi, e te ite, i te mau ohipa atoa ra." Ua faaaravihi lehova ia Bezaleela raua Aholiaba ia nehenehe raua e rave i te mau ohipa atoa tei titauhia.—Exo. 35:25, 26, 30-35.

26 NO ATOPA-1 NO NOVEMA

TAO'A RAU BIBILIA | EXODO 37-38

"Te faufaaraa o te mau fata o te sekene i roto i te haamoriraa mau"

it-1-F 230

Fata

Te fata o te mea no'ano'a. Ua faaohipahia te sitima no te hamani i te fata o te mea no'ano'a (tei parau-atoa-hia "te fata auro" [Ex 39:38]). Ua vehihia te auro na nia iho i te fata e i te mau pae e ati noa 'e. Ua hamani-atoa-hia te hoê hei auro e ati noa 'e. E 44,5 tenetimetera i te roa e 89 tenetimetera i te teitei. I na poro e maha i te tuhaa i nia o te fata, ua hamanihia te mau "tara." Ua haamauhia te mau potaa

auro e maha i raro a'e i te hei auro e ua tuuhia te mau raau aore ra maurima na roto i tera mau potaa no te amo i te fata. Ua faaohipahia te sitima no te hamani i tera mau maurima e ua tapo'ihia te reira e te auro. (Ex 30:1-5; 37:25-28) Ua tutuihia te mea no'ano'a taa e i nia i teie fata e piti taime i te mahana hoê, i te poipoi e i te po. (Ex 30:7-9, 34-38) Mai i te tahi atu mau tupuraa, ua faaohipahia te hoê au'a tutuiraa aore ra te hoê vairaa mea no'ano'a no te tutui i te mea no'ano'a. Papu maitai e ua faaohipa-atoa-hia te reira e te mau tahu'a i te fata o te mea no'ano'a. (Le 16:12, 13; Heb 9:4; Apo 8:5; a hi'o i te Pa2 26:16, 19.) Ua tuuhia te fata o te mea no'ano'a i roto i te sekene i mua 'tu i te paruru o te Vahi Mo'a Roa, mai te huru ra e ua tuu-roa-hia te fata i "mua i te afata ture."—Ex 30:1, 6; 40:5, 26, 27.

it-1-F 756

Mea no'ano'a

Ua faaohipahia te mau mea moni rahi ta te amuiraa i pûpû, no te hamani i te mea no'ano'a taa e tei faaohipahia i te sekene i roto i te medebara. (Ex 25:1, 2, 6; 35:4, 5, 8, 27-29) Ua faaite lehova ia Mose nafea ia hamani i taua mea no'ano'a ra ma te parau e: "E rave oe i te mea no'ano'a ra, i te natapha, e te sehelata, e te helebena, e te tapau libano maitai ra, o na mea no'ano'a ra ia, ia faito atoa te rahi. O ta oe ia e hamani ei mea no'ano'a, ei mea putu maitehia mai te ravea a te putu tao'a no'ano'a ra, ia anoi-atoa-hia ei mea maitai, e te mo'a. E e pâpâhia e oe e tahi pae e ia hu'ahu'a roa, a tuu ai i mua i te afata ture i te tiahapa o te amuiraa ra, i te vahi ta 'u e farerei ia oe ra: ei mea mo'a roa ia taua raau ra ia outou. E teie nei raau no'ano'a ta oe e putu ra, eiaha ta outou iho e putuhia mai te reira te huru; ei mea mo'a ia te reira ia oe na lehova." E no te faaite roa 'tu ia ratou ia faaohipa noa i te reira no 'Na ana'e e no te haamana'o ia ratou i te mo'araa o te mea no'ano'a, ua parau lehova ia Mose: "O te putu

i ta 'na ra mai te reira te huru ei ho'iraa na 'na, e faataa-ê-hia ia i to 'na ra nunaa."—Ex 30:34-38; 37:29.

it-1-F 229

Fata

Te mau fata o te sekene. A haamauhia 'i te sekene, ua hamani-atoa-hia e piti fata ia au i ta lehova i faaue atu. Ua hamanihia te fata tusia taauahi (tei parau-atoa-hia "te fata veo" [Ex 39:39]) ma te faaohipa i te sitima. Mai te hoê afata te huru, aita e tapo'i e i roto mai, aita roa 'tu e tuhaa i raro. E 2,20 metera i te roa e 1,30 metera i te teitei e i te tuhaa i nia o te fata, ua tuuhia e maha "tara" rahi i na poro e maha. Ua tapo'ihia te taatoaraa o te fata e te veo. I te hiti o te fata, i "ropu mau," ua tuuhia hoê opeapea veo. I pihai iho i tera opeapea, i na poro e maha, ua haamauhia e maha potaa. Ua tuuhia na roto i tera mau potaa na maurima veo e piti hamanihia e te sitima no te amo i te fata. Tera paha tei ravehia: ua vahihia te hoê pae o te fata, oia atoa te tahi atu pae, e ua tuuhia te opeapea na roto. Ua rau te mana'o o te mau aivanaa. No e rave rahi o ratou, ua hamanihia maha potaa, e piti noa râ potaa tei haamau-roa-hia i te tuhaa i rapae mai o te fata. Ua hamanihia te mau tao'a veo mai te mau pani farii e te mau taipu rehu, te mau au'a no te toto o te mau animara, te mau patia no te mii animara e te mau farii auahi.—Ex 27:1-8; 38:1-7, 30; Nu 4:14.

A maimi i te mau poe pae varua

it-1-F 34

Sitima

E rave rahi tara i nia i te mau amaa o te tumu raau sitima, e mea roa atoa. E tō haere te mau amaa e e tafifi hanoa i te mau amaa o te mau tumu raau sitima i pihai iho mai. E uru raau roa te huru. No reira paha i faaohipahia 'i te ta'o Hebera *shittim* i roto e rave rahi irava Bibilia no te mea te faaite ra tera ta'o i te tumu raau sitima e rave rahi. E nehenehe te tumu raau sitima

e naea 6 aore ra 8 metera i te teitei. E ite-pine-pine-hia râ te tumu raau sitima mai te hoê pu aihere. Mea mārû roa te mau rauere mai te mau huruhuru manu ra te huru, ua î te tumu raau i te mau tiare rearea no'ano'a, e te maa hotu mea puohu-maitai-hia e te hoê paa. Mea ereere e mea etaeta te paa o te tumu raau sitima e na te reira e paruru i taua tumu raau ra hope i te paari, i te mau manumanu. No to 'na huru hamiraa e no te mea mea ohie ia ite i te reira i roto i te medebara, ua faaohipahia ïa te raau sitima no te patu i te sekene e i te mau tao'a no te faanehenehe i te reira. Ua faaohipa-atoa-hia te raau sitima no te hamani i te afata fau-faa (Ex 25:10; 37:1), te airaa maa no te mau pane pûpûhia (Ex 25:23; 37:10), te mau fata (Ex 27:1; 37:25; 38:1), te mau maurima no te amo i tera mau tao'a (Ex 25:13, 28; 27:6; 30:5; 37:4, 15, 28; 38:6), te mau pou no te mau paruru (Ex 26:32, 37; 36:36), te mau pāpā (Ex 26:15; 36:20) e te mau te'a (Ex 26:26; 36:31).